



# Barbare!

Gedicht:

Fünf Lüs, die soße bedröf beienein  
bei `nem deutsche Zaladat em Tornister.  
et wor `ne bessere russische Stamm,  
et wor jet besondersch von Biester.  
Se wore gelägentlich bei `nem Transport  
ob deutsches Gebiet üvvergange.  
Un hä, hä se nohdrog, dä kunnt nit doför,  
hä hat vun `nem Ruß se gefange.  
Zwor soß em Tornister dat Schmölzge geschötzt,  
Nur gov et do nix för zo sauge.  
Drum lohten och langsam un secher die fünf  
däm Dut immer mie en de Auge.  
Ob eimol, do hov sich die ein vun dä Zoot,  
Se jappte un säht dann: Genosse!  
Ich nehme em Name vun uns jetzt et Woot,  
mir sin doch su got wie erschosse!  
Mir woren doch anfangs zo dreihundert Stück,  
Dovun sin mer fünf bloß geblevve.  
Die andere sin all ahn däm Polver versteck,  
womet sich dä Preuß engerevve.  
Doran süht mer deutlich, säht wigger die Luus,  
„dä Deutsche bruch allerhand Waffe,  
hä eß för et Morde - egal, wat et eß,  
Für Brutalität wie geschaffe.



Dogäge, wie eß et doch andersch bei uns,  
Ihr weßt, dat ich nitt üvverdrieve.  
Beim Ruß`kann mer wochelang, kunbbelwies  
am liev ungeniert setze blieve.  
Die Zeitung hät räch, wat manchmol se schriev,  
jetzt han mer et selver erfahre:  
die Russe, die gon keinem Dierche zu Liev,  
die Deutsche - wat sin dat Barbare!”